

石倉十二代詩選

六十九

文十三八九


六十九

元詩十二卷九

漢書門			
三	七	四	八
號	函	架	冊
一	一	九	四
冊	架	函	冊

內閣文庫			
三	七	四	八
函	架	冊	冊
九	一	四	二
架	冊	架	冊

內閣文庫			
番號	漢	3745	
冊數	142 (71)		
函號	319	25	





石倉十二代詩選

元詩卷之十五

外史集

元句曲張雨著

明三山曹學佺闕

寄題劉彥基丹室



昔聞冲虚宮遠在錦江頭往來多異人東望不可求借問鴻寶書枕中今在否尚餘一丸藥光景夜不收食之生羽翼飛去十二樓下視何蒼蒼至情久難留我將拾瑤草遲子于玄洲

題墨蘭贈别于一山之京師

卷十五

葉士

三月愁送客春寒雨如霰冥冥返塞鴻悄悄栖
梁燕揚帆五十日蓬萊望中見欲持荷蘭操一
奏南薰殿

春山晴靄圖

危亭面懸瀑深塢著茅堂羣木相掩薄風披如
有香避世真樂土欲往川無梁隱淪倘見招歲
暮從徜徉

蘭雪齋爲金壇王敬賦

謫僊有妙語清風灑蘭雪高懷千載下子獨慕

芳潔春冰斷瑞花晨露滋奕葉端居味道腴
景庶不滅

晉彥博士以詩索和

鑿礪盛春雨新流遶舍前何當留太白相與學
思玄碧洞無人掃丹梯有路緣催詩古云迫莫
笑竦鳶肩

風雪中得金陵諸公書

雪作衆禽驚窗幽亂霰鳴凄然身濩落暮矣歲
崢嶸松竹聊娛拙乾坤苦忌名故人不相貸書

私到柴荆

其二

落木從風靡。支流趁谷斜。山空不須說。歲去若
爲遮。飢鶴搏窗紙。寒魚嚼雪花。推書更清坐。席
煖到昏鴉。

湖寺擁碧軒

喧寂一塵隔。湖濱出寶坊。荷陰分補衲。水氣雜
燒香。書勘烏皮几。茵敷白氎牀。從來已公屋。詩
客許徜徉。

萬致柔還省。親舍僕聞而往。候道中得此
數里平岡路。仙山迹漸分。柴荆來鵲語。村落去
人羣。粉陣松崩雪。濤頭日濯雲。不緣停僕御。直
以候夫君。

寄洞庭王子正

洞庭山似簇。銀闕翠芙蓉。安得滄浪子。同尋縹
緲峰。魚龍隨水落。橘柚待霜濃。未必桃源似。雲
帆躡去蹤。

孤山晚步寄和靖掌祠懷中庸子

馬瑙坡前立荒陂接葑田試從樵子徑往覘僕
夫泉衆草寒猶短羣峰晚更妍誰歟結真隱共
老太平年

良常草堂圖

隣近方隅洞良常別有天草堂朝看雨藥圃夜
春泉邈矣盧鴻奇哉曾仲連君看遺世者若
箇是神仙

齋居偶興

絕澗多靈石中開小洞房醉醒依竹素晴雨看

梅黃樹暗鶯聲澀巖虛水韻長未能超賈馬自
足上羲皇

午日柬楊廉夫

客有擁琴至吾寧折簡招足音垂谷口雨氣截
山腰酒倩紅泉瀉花爲絳節朝不嫌泥濘極一
舸段家橋

雨中

推枕遽然覺高齋人跡稀捲簾芳草短看雨杏
花肥薄暮寒仍在中林願稍違一遷隨谷鳥喬

木是耶非

流杯澗

古木蟠幽磳層巒疊翠臺水歸蒼玉峽風引綠荷杯我自知魚樂人誰被袂來惜無鼠鬚筆寫記刻巖隈

積雨

飽聽三峰雨閒題七月詩水深荷意怯田冷稻心遲鼃黽陰爭盛蛟龍勢亦隨蒼茫不可問身外付雲移

天師素華閣

仙家樓閣風塵表更築凌空月榭高虛白豈知存夜氣太清還許隔秋毫溪光澹澹水填壑松響離離雪舞濤此去銀橋通咫尺神仙直下有靈鼈

寄題陳生華山圖

華岳秋高不受寒虎頭遺墨意蕭閒赤城別有思仙夢長在明星玉女間

春燒

卷十五

卷十五

卷十五

五

君

歷代詩選 元張伯雨
日落山前野燒生。白茅黃葦地初晴。明朝卻賦
雕陵箭。呼酒岡頭看火城。

馬遠小景

柳未藏鴉雪未消。春衫遊子馬蹄驕。去年沽酒
樓前路。錯認桃花第一橋。

王子明求題高侍郎雨竹

雨立脩篁似戟枝。墨君留影故儼儼。房山秬憶
巴山夜。及見官奴把燭時。

樓居春曉望玄圃

子晋新宮倚太霞。繞湖煙火萬人家。觀臺一面
無人處。日出煙消都是花。

張公甫鐵山隱居圖

鐵山曾照鐵衣寒。南渡功名有足觀。不見元豐
全盛日。錢鏐孫子已黃冠。

隱居圖

畫橋相餉過溪東。縞袂青裙笑語中。何必桃源
尋舊路。太平閒作祝雞翁。

遵道竹枝

歷代詩選
六
貧簷谷口白雲生雲裏琅玕萬玉聲驚破幽人
春枕夢一窗斜月半梢橫

望雲集序
望雲集者郭君子章所作之詩也子章嘗從青
陽先生學治經而性尤嗜詩自黃初以降諸名
家多孺孺其芳腴故別句鏤辭趣味雋永而韻
度婉微青陽亟稱其能曾未幾何戈甲搶攘三
親與弟昆咸亡子章隻影飄零於江湖間進退
無依遂仗劍從軍艱難險阻莫不備嘗凡世道
之污隆時序之推移人事之變更每觸之於目
必有感於心感久輒悲悲不能已乃悉假詩以

寫之通名其集曰望雲望雲志思親也予嘗取
而觀之何其情思之縈紆音節之激烈哉譬猶
秋風刁騷霜月淒白孤臣畸士慟哭於山澤蒼
涼之間而聞者莫不隕涕焉哀思之切何其一
至此乎在昔先王之世四方乂寧民各休其室
家頌聲洋溢播之郊廟及其衰也政賦日迫士
困於行役而不能歸至有陟屺岵以望其父母
與諸弟者說者謂其思之切而哀之至況子章
兵難相仍非特行役之勞而已親沒家燬非特
不能歸而已宜其情之所觸有不能自己也夫
以子章之才之美不生於太平無事之日以頌
清廟闕宮之盛顧獨馳騁於變風之末嗚呼其
命也耶其命也耶雖然否與泰相爲循環者也
今天已厭亂戈甲將向息矣子章方宣嘉猷以
著勞烈其吐和平之音以鳴天下之盛耶子章
名奎淮南人金華宋濂序

石倉十二代詩選

宋詩卷之十六

望雲集

元淮南郭奎著

明候官曹學佺閱

秋日次右司韻

秋水竟長川。高亭對孤嶼。覽君瑤華篇。往往似
 仙語。觀遊繼晨夕。追昔念徂暑。揚舡濟東湖。采
 蘭臨北渚。落日散餘霞。輕風度微雨。回瞻城堞
 表。樓觀襲空宇。渺渺帝子洲。衰草亦淒楚。鳧雁
 相翱翔。漁歌起前渚。星霜忽已周。遲留感季序。

睇彼東南天。馳思久凝佇。

擬古贈別

孟冬霜露降。悴彼荷與蒲。青青蕙蘭芳。采之將
焉如。贈君夙昔意。聊以慰斯湏。絃歌厲清響。置
酒岐路隅。親戚念遠行。各言勉良圖。常恐不爲
樂。日月方其除。晨風奮高翼。北林多古榆。臨岐
執子手。安得同車驅。

秋林讀書爲章光遠賦

大禹惜寸陰。宣尼嘆川逝。但恐光景馳。及時當
自勵。禍亂非所常。誰能遯斯世。矧伊賢者心。怡
然與神契。典籍對先聖。樂道以忘勢。考槃在澗
阿。衡門復長閉。几席不暫違。絃誦日相繼。倚桐
交前庭。雜彼松與桂。綠竹植後園。蔬菓亦時藝。
霜葉初焜黃。餘陰值秋霽。散帙寄逍遙。臨風復
游憇。周流同天壤。優哉永終歲。

送周明卿

秋氣蕭也勁。茂草凝朝霜。重重陵上栢。綠葉含
馨香。薄言采其華。貽爾遠道將。服食足壽考。卒

歷代詩選 卷十六
歲希不忘惟惜當離別歌竟匪成章願瞻鴻鵠
舉思逐浮雲翔徘徊欲何依美人在西方既怡
平生愛狐裘諒同裳義以金石固情緣歡會長
乾餽懼失德君子敦周行

九日偶成

良晨惜難再秋序倏已殫登高啓飛閣望遠俯
層巒寒菊正盈把濁醪方共歡微此一日宴客
懷殊可嘆

贈別朱隱君

庭樹悴其芳凝霜一何白鳧雁方南飛翔翔振
明月誰能弋此物加餐可爲悅念子諧宿歡晤
言兩反側一心抱衾裯衣帶緣以結丰酒怡親
愛聊慰岐路別思駕雙鳴騶馳彼胡與越母爲
守窮廬悲嘆平歲迫

擬古思友

鶉鳴歲將晏蒹葭淒以霜思君隔山海道路悠
且長睇彼參與辰清夜悲未央狂飈西北至一
雁方南翔言念疇昔歡與子同衣裳安知異寒

暑日月不我將。天高則有斗。川涉愁無梁。憂心
隱如怒。出戶徒彷徨。

送姜彥英還錢塘一首

東南有高樓。華月照綺楹。瓊筵列海錯。雜以絃
歌聲。疏簾捲晨夕。迴瞰蒼江清。君今利攸往。我
獨懷鹿鳴。執手望長路。駕言出東城。嘉會常不
足。何況臨當行。晴郊望樹碧。綠渚春蘭生。持觴
意難盡。相思空復情。

寄李彥端

嘉樹藹夏綠。清風動虛襟。念君有高趣。勞我徑
寸心。佇立東城曲。日夕見雲岑。以茲世多故。忘
彼升與沉。聊樂在書籍。佩玉懷所欽。華池散帙
步。當戶鳴幽禽。蘭生已覆井。泉響迥出林。醉將
山口月。彈作絃上音。明月照別鶴。遺音憂南金。
何當坐松石。從爾聽瑤琴。

次錢子貢蘇門感懷

燕支木葉落。盧龍秋色來。空閨有思婦。清夜悲
且哀。錦書爲君寄。寶鏡誰人開。膏沐不復容。綠

歷代詩選 元稹子章 四
髮。栖。浮。埃。團。團。皎。月。輝。照。彼。單。于。臺。馳。心。在。萬
里。出。戶。聊。徘徊。

雜詩

孤月江上明清光。泛流水。北有愁思婦。南有游
蕩子。蕩子行未歸。思歸安所止。姑老在高堂。貧
賤復如此。君行忽逾年。膏沐誰爲理。妾心金石
堅。不逐浮雲起。會合良未期。離亂何時已。君當
復來歸。妾當效同死。凌風願翱翔。揚波詠杭莖。
再逐平生歡。彼服紈與綺。

紀夢

忽忽頽芳季。搖搖寄行役。寢興勞形神。髮髮玄
已白。驚風響庭樹。憂思日常積。夢魂清夜歸。彷彿
舊鄉邑。青松在園田。桑柘蔭廬室。飛鳥雲際
還。牛羊下來夕。澄湖澹微波。秋山有佳色。雞犬
雜比隣。墟烟靄阡陌。怡怡兄弟情。淒淒丘隴側。
伐木逢行歌。僕夫候馬立。臨流濯長纓。挂冠坐
盤石。似慰平生歡。覺來異疇昔。百季如轉蓬。萬
物乃遺曷。天命良在茲。勿復云得失。

贈別

蟋蟀悲歲暮起視夜何其淒淒霜露降蕙草颯
以衰薄言子當往軒車發何遲聊因一盃酒慰
此平生知采采西澗蘋悠悠懷我思我思詎能
已君心諒不違

貧女吟

倚倚石上蘭青青澤中蒲貧家有美女二八嬌
如荼朱顏不自媚貞固操匪渝少爲父母惜生
長紅羅襦綺樓高且深竊恐行露濡一朝零落

盡萍迹湖東隅塵沙陋茅屋不濺冰雪膚鴛鴦
懶復織翡翠愁還梳鳴鸞在何處坐惜華芳徂
恥作商人婦願奉君子儒妾心擬有托請賂雙
明珠

游羅漢寺

步出城東門褰裳涉西澁幽尋窮四郊日入未
遑已逍遙遠塵蹤夕憇空門裏陰堦轉長廊金
碧炫晴綺園池清且深水竹澹如洗追念疇昔
歡豈謂重來此春日忽載陽百物含芳卉好鳥

向我鳴高僧見人起閒雲石上生天花覆瑤几
信宿方告還行行詎能止

送劉別駕之饒州

黑貂紫綺裘寶劔千金價冠蓋若雲從相送西
陵下我持鞭君立馬彈銀箏進瑤竿漢家才子
建安風昔爲外史今別駕鄱陽湖水青如苔東
州之民淳無懷匡廬屹立西江濶蒼翠九疊屏
風開逍遙范公堂秋陰落庭槐嘉政繼前哲南
山歌有臺文章揮酒謝天樂皎如遼天雪中鶴
何以折贈千里行汀蘭有芳桂華作青雲論交
金石堅執手欲別心茫然平生意氣凌五嶽擊
節起舞秋風前

春日行

春風爾來何無情忽然吹我華髮生淮南三月
花滿城金尊海錯羅雕楹美人對坐彈鳴箏酒
酣起奏升天行當季歡樂不復得白日爲照心
未平心未平發長嘯我曹豈是閭閻兒齊東魯
連頗同調

新豐市

過新豐待沽酒。雪華當空大如手。斷橋荒店無人煙。獨有寒梅伴疎柳。憶昔江東未構兵。我亦曾經此地行。東家槌牛出新釀。西家開宴還吹笙。春風步障千花錦。當壚美人勸客飲。形勢雖非漢祖爲。彷彿咸陽舊陵寢。停驂慷慨懷馬周。我欲濯髮臨清流。斗酒不可得。高興良難酬。着鞭遙指敬亭路。孤雲日暮心悠悠。

夜坐吟

江風蕭蕭吹古樹。關月蒼茫海生霧。北斗漸落明河傾。城頭烏啼天欲曙。客子不寐憂無衣。東征三季猶未歸。蟋蟀在戶歲將暮。洞庭霜白芙蓉稀。男兒生當百戰死。不執金吾卽挾匕。閉門勿用長夜歌。騏驥終能致千里。

七夕曲

天河盈盈一水隔。河東美人河西客。耕雲織霧兩相望。一歲綢繆在今夕。雙龍引車鵲作橋。風迴桂渚秋葉飄。拋梭投杼整環佩。金童玉女行

相要兩情好合美如舊復恐天雞催曉漏倚屏
猶有斷腸言東方未明少停候欲渡不渡河之
潛君亦但恨生別離明季七夕還當期不見人
間死離別朱顏一去難再歸

從軍婦

從軍婦良家女新梳北髻學番語狐皮裁帽紵
絲衫馬上祥羞見親故黃巾盜賊亂中華去季
燒我父母家大朝命將專征伐強兵爭奪顏如
花顏如花命如葉此身一失無名節憶昔姑家
納采時燈前豫綰同心結嫁夫誓擬齊蛾眉誰
知萬里爲軍妻木綿帳低風日惡五紋刺繡思
深墜思深閨難再得人生莫願多顏色東隣女
伴醜且貧鄉里不出成家室

寄衣曲

華燈闇室秋夜長吳刀翦綵爲衣裳欲縫不縫
心惻惻還向姑前較寬窄燕山八月雪苦寒氈
褐狐裘俱擘裂明朝驛使催征車白袍絮就愁
寫書舅姑已老妾無子願君早曳玉門裾臨行

歷代詩選 卷之二十一
封裏復致意着時莫遣沙塵穢

和蔡都事見寄

汎汎仙槎遠雲津月未沉水光明使節星采動
詞林夙駕江亭迴前瞻浦樹深瑤華如可拾願
得繼高吟

次劉仲孚

地遠孤雲白秋深一雁過淚因明月下心在故
鄉多列郡方傳檄連城未息戈羈危萬里思江
上逐馳波

送孫良玉還同安

送君江上去山路雨初晴落日平淮樹春潮帶
皖城酒因今日醉人是故鄉情莫說王孫怨芳
洲綠草生

春日游敬亭山

冠蓋聯鑣出晴郊北路分我尋何水部誰似鮑
參軍芳樹聞啼鳥飛泉隔亂雲題詩兼勸酒聊
樂在殷勤

琴溪

吾慕琴高子於焉隱遁棲松雲生峭壁山雪漲
迴溪古迹行人感新春好鳥啼學仙誠有道安
得謝輪蹄

卽齋秋日次韻

幕府簡書靜一官清自閒秋聲在東壁爽氣滿
西山叢菊可延壽芳樽聊解顏當軒兩嘉樹好
鳥暮知還

出暖水向新營

山陽暖水地舊是北軍屯一澗雲連棧千峰雪

照門奉書觀壁壘馳驛到邊藩爲卜歸人信今

朝喜鵲喧

留水西寺貽季潭上人

好山吾所慕今日水西遊花雨千峰暝松風六
月秋龍爲人聽法僧共鹿尋幽如此林泉樂榮
名安足求

秋興二首

月下清砧響夜闌征人寐憶長安霧迷南國
游魂泣草沒中原戰骨寒直望明河臨象闕誰

歷代詩選 元稹詩 十一
霑零露捧金盤十季關塞無家別仗策猶悲行
路難

龍門疏鑿禹時功江漢滔滔亦匯東萬古山河
今異域千季禮樂舊同風忽思鱸膾慙張翰將
學丹砂就葛洪祗恨兵戈猶在目秋來衰髮對
飛蓬

答人見寄

自傷孤雁影翩翩避弋南來折復旋塞上牧羊
幾陷賊山中尋鶴托遊仙黃冠偶倩傍人正寶
劍誰爲烈士捐華髮秋來垂兩鬢江湖憔悴任
吾季

早秋旅夕

初月涼風夜向闌倚樓愁到笛聲殘天高閭闔
銀河白露滴梧桐金井寒多病馬卿猶是客幾
時張翰也辭官季季怕近清秋日憶殺湖邊舊
釣竿

涇縣

涇川不減若耶溪況有招提在水西四面雲山

歷代詩選 卷二十一
當縣合五更星斗落簷低。挈舟競訪桓彝廟，立
馬空慚李白題。但願功成身退早，桃花潭上結
幽棲。

當途客舍

姑孰溪邊獨倚樓，江城二月似深秋。孤雲無處
求親舍，先隴何人祀首丘。花落始知寒食過，雁
歸渾是夕陽愁。故山應有王孫怨，春草淒淒沒
盡頭。

桃花

窗外碧桃開滿樹，看花日日向隣牆。自傷春色
偏經眼，每惜秌芳欲斷腸。岸夾雙溪翻錦浪，風
飄萬點濕紅香。故園欲似天台隔，回首東風路
渺茫。

臘日

臘日三秌爲異客，今秌霜雪未全饒。風塵暗滿
淮南路，霧雨寒生江上潮。鄉夢有時逢骨肉，此
身何處托漁樵。共來吳楚交兵地，烽火依稀似

六朝

歷代詩選

元那子章

卷十六

七

有

山中喜晴

山中十日苦風雪，霧雨作寒纔放晴。
千澗水從松杪落，半空雲逐馬頭行。
居人向暖分茶樹，啼鳥知春喚客名。
不惜看花兼問酒，東風歸路布袍輕。

竝頭蓮韻

華蓋高張翡翠圓，渚宮深鎖對嬋娟。
雙瞻太華峰頭月，竝是耶溪水上仙。
羅襪凝塵鴛頸合，湘裙濺淚鳳釵聯。
只愁風雨遺清恨，玉井溫泉共

惘然

出五城

五嶺東頭更五城，一川如出武陵行。
人家煙火連機杼，蠶婦桑麻執篋簾。
春日向暄田鼓急，曉溪初漲石梁平。
十季歌舞揚州夢，爭似依山閱偶耕。

中酒春

春來中酒朝朝病，擁被高眠懶出門。
草綠漸迷湖上路，花開未到郭西村。
湘娥有瑟催歸雁，楚

歷代詩選 元嘉二
客無書托故園惆悵東風醒亦醉夢中常是賦
招魂

遊三門山二首

黃茅蓋屋石爲門路轉溪廻更有村果樹連園
收芋栗豆花滿地散雞豚雲深易就漁樵隱山
遠全忘市井喧何獨武陵堪避世此中佳處亦
難言

蒼山夾水洞陰陰溪上人家竹十尋田土未饒
盤谷好雲霞全似鹿門深半簷松月斜連榻萬
壑風泉響出林我亦乘舟追李白故人幽賞在
鳴琴

次丘太守韻

翳翳桑榆晚正宜夕陽山色望中奇鷗盟遠渚
誰爭席鶴放長松自擇枝疏廣賜金忘得少陶
潛束帶怨歸遲黃花時節牽兒女爛醉籬根且
賦詩

夢歸

昨夜三更歸夢惡蒲湖風浪棹孤舟山妻化石

不知處慈母倚門猶帶愁伯仲凋零傷骨肉田
園蕪沒在松楸城頭有樹烏啼醒斜月照人清
淚流

重憶西巖訪舊

鷓鴣聲中宿雨晴白雲開傍馬頭生東隣茅屋
新煙起南澗石橋春水平野鳥見多還問姓山
花開盡不知名故人宅近青松下未到柴門已
出迎

開歲臥病

多病文園渴未消自從人日遇花朝不知楊柳
將春色綠到淮南第幾橋
一朝臥病藥相扶纔倚晴窗閱地圖莫說江南
風景好王孫頭白怨蘼蕪

寄陳教授敏

松樹連簷翠色多南湖春水澹生波習家舊宅
雲林在明月滿船聽棹歌

贈白紵山庵道人楊玄中

四望亭前姑熟溪道人種玉住山西古松數株

秋滿屋青鳥月明時一啼

書所見

一樹古梅花似雪半臨驛路半臨溪美人玉笛
吹何處零落空山鳥自啼

黃犢飲溪芳草滿青裙挑菜碧芹肥故山好處
多如此湖上春風憶我歸

德興山中

石橋斜日萬山陰雲滿寒溪雪滿林獨有梅花
看不厭江南春色故闔心

路人深山忽有村隔溪煙火似桃源漁舟不喚
行人渡洞裏春寒靜掩門

南康除夜

去年馬上折梅花今夕匡廬度歲華風雪苦寒
如此土每因時節恨無家

早發分宜縣

萬山高下宜春路舊縣人煙亂後稀荆棘十季
生滿道不堪零露濕征衣

石倉十二代詩選

元詩卷之十六

成原常詩集小引
成君原常隱居廣陵養太夫人甚謹因不出求
仕其所與游多至尊顯亦莫有薦用之者四方
士之過淮東或久留或即去必以君為之依君
周旋款洽曲盡其意於是藹然長者之譽君好
讀書尤工於詩比得其詩一編其憂時而閔俗
憤世而嫉衰及其極也則有凌雲霞入霄漢糠
粃萬物之興要皆發乎至情非有所勉強矯揉
而為之者也李唐之世能詩者最多而工部員

成原常詩集小引

成君原常隱居廣陵養太夫人甚謹因不出求
仕其所與游多至尊顯亦莫有薦用之者四方
士之過淮東或久留或即去必以君為之依君
周旋款洽曲盡其意於是藹然長者之譽君好
讀書尤工於詩比得其詩一編其憂時而閔俗
憤世而嫉衰及其極也則有凌雲霞入霄漢糠
粃萬物之興要皆發乎至情非有所勉強矯揉
而為之者也李唐之世能詩者最多而工部員

外郎杜公爲尤甚豈非以其忠君愛國之意類
詩人之思致君之詩蓋於是歟嗚呼杜氏所遭
之時于戈搶攘生靈塗炭危若綴旒故其言之
哀痛迫切殆不期然而然後世能知之者唯王
荊公梅都官而已讀二君子爲之賦未嘗不掩
卷而太息若乃憲宗之世命將相平吳元濟於
淮右時則有若柳刺史表上平淮夷雅自以爲
施諸後代佐唐之光明今天子詔遣大臣出討
首拔彭城旬日奏捷以君之才當効柳氏作上

之朝廷以配江漢常武傳示於無窮不旣盛矣
乎因書以歸之至正十二年孟冬五日臨川危
素書

成原常詩集序

終

石倉十二代詩選

石倉十二代詩選

元詩卷之十七

居竹軒

元廣陵成廷珪著
閩三山曹學佺閱

題王彥龍所藏三茅郎玄隱墨蘭

登勾曲兮常良。攬薜帶兮筠裳。繫白駒兮空谷。
葆九鳳兮扶桑。汎光風兮旣零。雨水淺淺兮石。
楚楚望夫君兮不來。悵青楓兮日將暮。

送天長教諭孫允誠任滿歸金陵

憶昔君方少年日。文帝潛宮曾一識。龍飛上天

石倉詩選

元詩卷十七

卷十七

一

鄭西

歷代詩選 卷十七
不可攀。圖畫空餘兩竒石。閉戶讀書三十秋。出門爲官才領職。天長令尹莫我知。苜蓿朝盤勝肉食。三年官滿來揚州。僦屋正近橫江樓。門前車馬日如市。談經講易皆公侯。公侯滿座卽沽酒。典却篋內青氍裘。鄉心苦憶長千里。明日君當渡烟水。中山李桓文中雄。乃是君之涓陽氏。深衣再拜如母存。故宅重歸令客喜。豈無舊業問松筠。亦有清輝照桑梓。青雲熟路君何如。白髮滄江吾老矣。

丁千五歌

丁千五。一百健兒如猛虎。幾年橫行青海頭。牛皮作衫桑作弩。射陽湖上水賊來。白晝殺人何可數。將軍宵遁旌旗空。倭甲蠻刀賊爲主。西村月黑妻哭夫。東塢山深母尋女。屋廬燒盡將柰何。徃徃移家入城府。不是丁家諸健兒。仗劍誰能剪狐鼠。樓頭醜酒齊唱歌。爭剖賊心歸纛鼓。官中無文立賞功。還向山東販塩去。

春夜曲

芙蓉樓前拜新月，寶鴨微薰透銀葉。吳山楚水
送遠遊，不管閨中照離別。誰家玉鈎飛上天，一
似連環舊時缺。缺多圓少將奈何，方寸愁腸萬
里結。爲郎白苧裁春衣，又恐月圓郎未歸。

戚戚行

戚戚復戚戚，白頭殘兵向人泣。短衣破綻露兩
肘，自說行年今七十。軍裝費盡無一錢，舊歲官
糧猶未得。朝堂羽書昨日下，帥府然燈點軍籍。
大男荷鍤北開河，中男買刀南討賊。官中法令

有程期，笳鼓發行星火急。阿婆送子婦送夫，行
者觀之猶嘆息。老身今夕當守城，猶自知更月
中立。

射鴨謠

阿儂手挽竹枝弓，射鴨綠楊湖水東。三三五五
似學武，一箭誤中雙飛鴻。前船唱歌後船哭，月
黑湖中夜潛伏。東海健兒不敢過，人命幾如几
上肉。老翁入縣前致詞，夜夜全家猶野宿。丁寧
門戶且勿開，明朝又怕官軍來。

歷代詩選 卷十七
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

白頭老卒衣欲穿。日日織履能幾錢。點名去討海東賊。別家泣上城南船。自云十五八行伍。掠陣曾誇力如虎。賣刀買酒看升平。六十年來不用武。將軍醉卽騎馬歸。猶散黃金教歌舞。中原上馬賊更多。白晝殺人誰作主。我今老去死卽休。白骨填海何人收。朝堂昨日下黃榜。誰家年少當封侯。

聞中原河決盜起有感

中元九月黃河水。平陸魚龍吹浪起。飛霜蕭蕭鴻鴈來。禾黍漂流菜棗死。大風怒號揚飛塵。白晝剽掠如無人。官軍不誅海東賊。縣吏乃殺西村民。夜聞羽書起丁力。老稚嗷嗷向誰泣。我當六十將柰何。扶杖淮南望淮北。

辛卯秋旱八月晦日天大雷雨

八月晦日雷怒號。大雨如注風蕭騷。捷如鬼神撼山岳。湧若江海翻波濤。屋茅重卷一重去。河水忽漲三尺高。驚鴻翅濕飛不起。散亂中澤呼

其曹雲龍有意洗兵甲。下與蒼生舒鬱陶。浮雲
收歛赤日見。天宇廓遠無纖毫。歲年不逢亦偶
爾。吾將種麥畊東臬。

雪舟歌爲王子中賦

王郎不知何許人。一舟橫在江之濱。風清月霽
未肯出。滄洲獨與天爲隣。洞庭烟水兩寂寞。十
年不見君。君山春北風三日雪大作。挂席張帆以
爲樂。手中鐵笛吹紫鳳。身上氅衣如白鶴。拍浮
蒲載石壺酒。企足蓬窓供獨酌。剡中隱者母相
疑。乃與戴老同襟期。更闌酒盡雪未止。趣棹欲
返猶遲遲。今夕何夕此乘興。千載未必無人知。

悲徐州

彭城八月風塵起。數郡義兵多戰死。良家子女
復何辜。盡作黃河水。中鬼鬪。填海幾時歸。千
古沉寃無處洗。王師一日天上來。虜船夜斫浮
橋開。守橋將軍不敢敵。狂瀾倒瀉聲如雷。三山
回望平如掌。野曠猶聞金鼓響。軍中少年當封
侯。爭入轅門請功賞。江邊老翁死卽休。血淚沾

歷代詩選
襟空白頭

題畫史王夢麟卷

老翁窮居廣陵市，四壁蕭然祇圖史。題詩不博一文錢，枯瓦磨窮空費紙。不如鄉里諸妙年，翰墨遊戲王公前。解衣盤礴作山水，一幅寧惜千金捐。何人最得滄洲趣，麟也于今稱獨步。狂吟寄興肯相過，畫我東橋竹居處。

題笠澤金伯祥橫山墓所瞻雲軒

踞湖之上幾千尺，下有蒼波通笠澤。百年葦屋與荒丘，兩地相望淚沾臆。親歿知幾年，抱痛如一日。孤雲飛處最關情，漠漠愁魂招不得。魂之來兮雲下垂，落月分明見顏色。魂之去兮雲亦空，歟忽消沉竟無迹。悠悠飛去復飛來，孝子之心豈終極。我家揚州好墓田，老作江南未歸客。天涯芳草又春深，夢裏還家作寒食。

槎山歌爲胡雲夫作

淮水源出桐相山，東流入海何時還。胡君引水種秋秣，築室正在槎山間。槎山清空白日靜，胡

君意與雲俱閑。漢東一夕風塵起，雲亦高飛幾
千里。山間有家不得歸，却過揚州飲淮水。飲之
爲洗水雪腸。今我不樂思故鄉。驅車明發度遠
道。廣海又在天一方。思親恨不歸來早。夢中祇
說槎山好。他年歸隱奉親歡。白頭同向槎山老。

雜興

野蔓被長坂。秋花翳前林。登高望孤冢。涼露忽
已深。團圓日東出。瞬息還西沉。吾親不可見。哀
涕淚沾襟。徘徊未忍去。玄雲生夕陰。

又

夜坐竹林下。仰視天茫茫。浮雲起西北。衆星黯
無光。群鳥鮮因依。胡爲思南翔。良辰忽變易。志
士徒感傷。願爾保素節。何勞怨清商。

送郭仲安貢察院

捧檄上京華。清才素共誇。封章不起草。徒筆自
生花。燕市千金馬。天河八月槎。看君冠獬豸。好
爲觸姦邪。

六月八日

世事今如此。吾生可奈何。海東仍盜賊。潁上復
干戈。苦雨朝逾急。陰風夜轉多。白頭苦無賴。對
酒獨悲歌。

曉出錢塘門

出門聊適意。草樹碧紛紛。一雨破清曉。四山生
白雲。僧樓緣嶺出。樵徑過橋分。明日重携酒。來
澆和靖墳。

齋居

曉起坐終日。無人扣竹扉。柿因風落早。菊爲雨

開遲。稚子能賒酒。鄰翁許借詩。白頭無別計。空
負聖明時。

登望江樓

長江不可極。岸幘獨登臨。潮信自朝暮。山光無
古今。碑亭流水涸。輦路積苔深。欲寫興亡恨。西
風萬葉吟。

寄羨寅甫

山館殘花歇。江樓暮雨餘。長歌留客和。短札倩
人書。露葉懸青蔓。風簾隱碧梧。夫君隔河漢。涼

夜月生初

寄慈溪管天澤監縣

聞說慈溪縣官間地更偏兩潮來海錯六月刈
山田曉塔天童寺春帆日本船何時瓊樹庭花
夕醉嬋娟

秋夜雜詠

平居在城市無夢傍江湖世事有今日生年猶
故吾抽書逢越絕引曲感吳趨隣叟邀皆醉歸
來不用扶

賦林泉民

群居傍城郭獨汝向林泉亂世知誰在荒村只
自憐白雲棲晚樹流水界秋田亦有催租吏敲
門橫索錢

和謝雪波東阡道中作

淮楚紛紛際誰憐老逸民一爲吳郡客三見洞
庭春世路間關久侯門接納頻麻衣猶似雪不
敢漉緇塵

麗山湖泛舟過寧伯讓庄所

湖上足清晝。雨餘生綠陰。扁舟到城近。曲港入
村深。野叟頻相問。郎君不可尋。西庵肯分席。吾
亦老山林。

寄愚隱智東堂

落日太湖上。歸舟此磧沙。百年同是客。兩寺卽
爲家。老竹仍多筍。枯藤也自花。何時結茅屋。相
伴老烟霞。

舟中晝寢

篷窓坐春雨。偏與睡相宜。櫂被支頭穩。茶甌破
夢遲。昔年爲客慣。今日覺吾衰。無限滄洲意。合
人有所思。

題慶雲東竹水居

水光當戶白。竹色上衣青。風露涵虛室。江湖入
淨瓶。林稍閒掛錫。月影靜翻經。上觀何聞見。秋
聲出杳冥。

秋日游虎丘逢徑山元上人

攀葉樹層層。茲遊記得曾。到山疑是夢。出寺忽
逢僧。短簿荒祠酒。生公舊塔燈。留詩駭浮俗。山

鬼也多能

送李斯立

南國風塵滿西江道路難鄉人問家信津吏識
儒冠短髮何由黑孤心只自丹放歌聊縱酒努
力且加餐

雪

閉門三日雪竹外轉蕭然夜色侵書幌春寒壓
篆烟詩題名彥後酒讓老夫先獨卧袁高士清
風幾百年

夜過吳江聖壽寺宿復中行方丈

深夜扣禪扃天寒月在庭烏驚栖後樹僧掩讀
殘經蔓草風吹白枇杷雪洗青對床聽法語方
寸愈惺惺

登靈巖山

木杪見浮圖盤盤一徑迂倚巖留客坐過嶺倩
人扶野色平如削湖光淡欲無殘碑不可讀春
草沒龜趺

送澄上人遊浙東

浙水東邊寺禪房處處家千崖無虎豹二月也
鶯花曉飯天童筭春泉雪竇茶煩詢夢堂叟面
壁幾年華

向遊龍井過南天竺登二老亭曾賦一詩
二老題詩處風流不再逢客歸黃葉雨僧住白
蓮峯誰謂山無鳳人傳井有龍白頭江海上今
夕寄行蹤

三月二十五日過上洋十六保徐居士柯
莊

趣潮深入港風急水西流沙澗輕沾屐橋低欲
碍舟孤花餘晚艷芳草亂春愁沙鳥應相笑衰
年尚遠遊

吳中五日追念故友李時中李欽嗣有感

而作

夢繞南崗北嶺雲一杯無計洒松筠世間我豈
長貧者地下君爲不死人夜雨自荒張祐宅秋
風誰輒庾公塵于今友道俱凋喪落日江湖淚
滿巾

八月十六日送張仲舉至秦郵驛是夕邵

文卿置酒雲峯望月

水驛官船晚未開。月明乘興且登臺。揚州鶴怨
山人去。麓社珠迎國士來。千里何時重命駕。百
年今夕此銜盃。同君盡醉交遊地。爲問秦郎安
在哉。

送陳景川歸盱眙

第一山中風物殊。我欲買田來卜居。風林把酒
聽黃鳥。雪港掛罾分白魚。富貴不來吾老矣。漁

樵有約子何如。可能久作終焉計。北海方脩薦
鶚書。

虎溪三笑圖

三老風流笑口開。山中猿鶴亦驚猜。攢眉入社
謾多事。送客過溪能幾迴。僧影欲隨秋水去。虎
聲偏傍石橋來。東林絕響今千載。撫卷題詩愧
乏林。

寄拔實尚書

憶陪冠蓋集通津。下士無由拜後塵。曾和淮南

招隱曲得從天上謫仙人。鷓鴣在列誰堪並。鴻
鵠高飛不可馴。遙想退朝香滿袖。題詩還記竹
軒春。

二月十二日祭長男之墓

三歲女孫方學行。牽衣隨母上新塋。青春過眼
少晴色。白髮向人惟哭聲。醉裏狂歌聊自適。夢
中相見只如生。他年何處藏吾骨。無限尋常舐
犢情。

寄烏古孫幹卿參議

紫宸奏對出班行。畫省論思晝漏長。二月不知
燒笋味。一春還憶煮茶香。幾人白髮黃花酒。何
處青山綠野堂。扶植皇綱在今日。中原草木仰
輝光。

夜思

斗帳方床一布衾。睡餘推枕復長吟。青燈細雨
三更夢。白首殘編萬古心。天上不知何歲月。城
中誰信有山林。哀歌坐待東方白。短髮刀騷不
滿簪。

環碧齋

面面溪光護石苔軒墀無復有塵埃月涵虛白
浮秋去水泛空青八座來漁釣兒孫多質朴嘯
歌鷗鷺不驚猜我家亦住滄江曲千箇簷管繞
舍栽

蕭萬戶野鶴卷子

肯著邊塵浣縞衣當時城郭是耶非自離碧海
三山去直過青城萬里飛老去揚州空逸興何
人沙苑脫危機丈夫功在麒麟閣莫說仙家有

令威

送謝芝甫赴山南憲

謝庭子弟多佳士荆國山川總勝遊萬里捧書
催人幕一朝搥鼓發行舟玄猿啼處巴江夜白
鴈來時楚甸秋襄漢風流千古意為君長憶仲
宣樓

東勾曲外史張伯雨

霞珮翩翩出洞天當時彷彿見癯仙幾年南國
張公子今日西湖葛稚川滄海塵飛丹幾熟王

堂人去榻空懸林間載酒來相覓乞寫山經與
世傳

送幹克莊僉憲調淮西道

繡斧煌煌擁使輅才名燁燁在中朝
甘泉調客河東賦蓬島仙人海上樵
風振紫山迎驛騎雲開金斗見秋鵬
澄清事棠湏公等桂樹淮南未易招

廣陵岳宮醮夜觀王澹洲高士歲事自登

瀛橋迎師人黃籙壇

濛濛雲氣濕霓旌小隊紅綃鳳蠟明
鸞鶴舞隨行道影魚龍出聽步虛聲
淮南高士青毛節勾曲仙人碧玉笙
一路天風吹不斷此身今夕在

蓬瀛

送楊士先歸長安

落魄麻衣不受塵黃金釋盡只清貧
新豐市上酒濯足常曲城南花惱人
豪傑謾嗤秦逐客漁樵能話漢功臣
清時未老丹心在姑把長竿釣渭濱

歷代詩選

卷十七

三

阮子華所藏桃源圖

桃花流水似天台，彷彿三生到此來。
玉杵玄霜無處覓，金堂秘室為誰開。
滄州一夜生芳草，陰洞千年長綠苔。
何必誑人秦甲子，漁郎祇見兩三迴。

嶽宮登瀛橋

疊石為橋跨兩涯，只如平地入烟霞。
銀河夜擲仙人杖，碧海秋橫奉使槎。
浴水先迎三島日，隔闌遙見十洲花。
月中時有簫聲過，多是山頭聖母家。

母家

題山居圖

石子坡頭松兩株，水光嵐氣護幽居。
山翁被酒愛騎馬，溪友放船來捕魚。
秋色自隨黃葉老，野懷常共白雲舒。
何時卜築如圖畫，竹下開軒更讀書。

瑞雪為劉芝田賦

風捲寒溪漾碧沙，曉林驚見玉橫斜。
人間風日不到處，天上神仙解種花。
九地暖迴龍有穴，三

歷代詩選

卷十七

三

二

山雲靜鶴無家。泛舟來覓芝田叟。留作山陰勝事誇。

寄謝方方壺駕寄遙山古木

鬼谷陰陰苔蘚斑。只除猿鶴伴高閒。丹光或在藤蘿外。劍氣常留水竹間。每讀內篇消永日。還將生紙寫遙山。衰翁可是無仙骨。不得相從共往還。

送孫從義憲史貢部

貢名書到拆封開。正爾諸曹議選才。侍史閣中

簾影動。尚書天上屐聲來。階墀伏謁人皆喜。符牒鋪張手自裁。不有雄聲驚畫省。可無清論達烏臺。

送余廷心翰林應奉

楓葉蕭蕭江已秋。吳船三日住揚州。龍花深染青綾被。雲葉新裁紫綺裘。征驛馬嘶風滿樹。別筵人散月當樓。明年春鴈將書去。人在蓬瀛第幾洲。

畫魚

歷代詩選 卷之九 唐詩
生平蹤跡侶魚蝦。浦月山風滿客槎。曾向春盤
登北鮑。更從丙穴薦南嘉。賞花釣得留詩友。折
柳穿來覓酒家。萬里江湖清夢遠。于今空對畫
中誇。

送李唐臣調山南憲幕

潮落寒江水欲冰。酌君何惜酒如澠。人憐何監
知司馬。我喜龍門識李膺。爽氣九秋橫楚澤。先
聲一日到江陵。君行自勵青雲志。赤鷁終懸九
萬鵬。

夜泊青蒲村

黃葉飄飄秋滿天。數家茅屋更翛然。村中老人
不識字。溪上小兒能駕船。薺菜登盤耳似蜜。蘆
花紛被暖如綿。此中長得無宵警。春雨扶犁學
種田。

春日遊上方寺因過別業

今日雨晴山亦佳。散行聊復寫幽懷。田翁入郭
買春酒。野衲下堂留午齋。老去任添新白髮。平
生能著幾青鞋。醉中天地爲衾枕。却笑劉伶死

便埋

感時傷事寄張仲舉博士

邊報紛紛日轉頻彭城猶未息風塵中原白骨
多新鬼浮世黃金少故人阮籍一生唯縱酒季
鷹今日定思尊河東鶴叟應相憶落日悲笳淚
滿巾

次李希顏述懷韻

八月邊聲草木寒愁來短髮不勝冠諸公莫請
王夷甫我輩終慙管切安酒券如山空好客田

毛何日再輪官蘭陵溝上松無恙還有孤猿夜
夜看

登狼山醉題僧壁

白狼山頭僧卓庵我躡飛屐窮幽探麻姑又見
海深淺女媧不補天東南危枝如龍固矯矯恠
石似虎猶耽耽興來捉筆罵狂語此身只合棲
雲龕

題朱伯禮西邨草堂

愛汝西邨之草堂囂塵不到堂中央夕陽欲下

山更好大火未流宵已涼
隻屨也能來戶外小
舟剛遣繫籬傍豈無百榼揚州酒
與子同醉歌滄浪

寄申屠子廸僉憲

先生舊德在甘棠
故老爭留住草堂
湖上月明鷗鷺浴
山中雨過薜薇香
數莖白髮終難變
一日丹心不可忘
出處獨翁全大節
千年青史有輝光

寄崔宗文

白髮無家七十翁
筇枝漫藉在西東
不因避地來吳下
正愛看山人剡中
臺閣故人書信少
江湖狂客酒船空
老懷無限平生意
清話何時一夕同

寄蔡彥文掾史

鳳凰池上神仙吏
却是中郎幾葉孫
幙下豈無奇計出
床頭猶有異書存
防秋列寨山如戟
蒸土爲城鐵作門
何限民間可憂事
老懷那得與君論

送陳性之崑山從事

只將從事寫前銜。省檄風來自折緘。六案更須
勞彩筆。一官猶未換青衫。風生海市朝持酒。日
落江城暮卸驂。我未識君空悵望。恍如烟水隔
仙凡。

題王惟賢所藏盛子昭畫雙松繫舟圖

雲門寺前風物幽。布機青鞋吾昔遊。葫蘆盛酒
待明月。解艦載琴當上流。長松並立幾千尺。狂
客一別三十秋。何當挂席過湖去。東望草堂始

少留

重遊虎丘寺

海湧峯頭行徑微。芒鞋欲越孤雲飛。風高木客
作人語。月出天王騎虎歸。傑閣重樓迥隱見。寒
泉古木相因依。荒丘王氣豈消歇。子將莫耶千
載稀。

題何德深溪南小隱

宰相官之不受招。碧梧林巷自逍遙。溪頭二月
花先發。洞裏千年雪未消。朝士過門時載酒。仙

歷代詩選 元 元 元 元
人飛佩夜吹簫。社圖誰寫耆英會。還肯中間著
老樵。

寒食日松江有懷廣陵

老來偏欲惜年華。春正濃時不在家。江上苦遭
寒食。雨夢中猶見廣陵花。書藏舊篋應無恙。酒
憶新樓不用賒。日暮荒城聞鬼泣。東風吹浪滿
天涯。

送秀岩上人歸日本

廿年中國遊方遍。看水看山念念非。海眼枯時
千劫壞。日頭翻處一僧歸。黃梅雨打袈裟濕。白
鬢雲隨錫杖飛。富士巖前留語在。庭松西長舊
禪扉。

同張仲舉夜宿寒橋

柔櫓聲乾破寂寥。青山磯下宿寒橋。乾坤萬事
雙蓬鬢。風雨孤舟半夜潮。丹鳳不來秋已老。玉
人何處水空遙。幾時重醉秦淮酒。細聽漁樵話
六朝。

李子英心遠亭

門外黃塵掃不開何由吹得到靈臺閒看倦鳥
投林去靜愛孤雲出岫來彭澤高人多逸興
峩眉仙客有天才祇今誰到悠然處同采秋香共
一杯

送袁季文赴帥幕

少年書劍學從軍幕府于今氣不群白髮元戎
多好武青衫從事最能文帳前草檄花如雨江
上維舟水似雲把酒高歌成遠別不知何處又
逢君

南城暮春

南城雨盡午風和二客相從步履過流水陂塘
春事減落花門巷晚愁多銀瓶自瀉沙頭酒寶
瑟誰調陌上歌莫罵江南斷腸句賀郎憔悴髮
空僂

周平叔夜宿崇明寺海雲樓偕羅成之隱

君文長老盧隱君以沙頭雙瓶爲韻

天台老衲兩眉龐自起高樓枕石杠煮茗別開
留客處論文多近坐禪窓冥鴻散去猶相逐獨

鶴飛來不作雙。明發仙舟上霄漢。定傳詩話滿
滄江。

丘克莊敞雲樓

君家樓外雲如海。五色輪囷掃不開。每就月明
簷下宿。更隨秋色座中來。瓊臺夜鶴迷蹤跡。玉
女春衣費剪裁。看爾騎鯨朝帝所。舉頭西北是
蓬萊。

題玉巖上人溪山野趣圖

流水淙淙石齒齒。蒲庭雲氣欲模糊。白鷗溪上
秋多少。黃葉山中徑有無。十月雨深漁屋破。三
江風惡野航孤。年來難覓幽居處。空向晴窓看
畫圖。

二月十四日風雨孤坐秀州城西僧舍

秀州城西春事微。二月苦雨行人稀。江湖渺然
不可渡。風雨如此將安歸。老來口腹胡爲累。亂
後人民今見非。蕙旬不得武林信。倚杖南望孤
雲飛。

送馬令尹任滿

長洲赤子窮無告。正賴郎官爲撫摩。兵後人家
猶未耜。日長官社有絃歌。越來溪上波聲小。魯
望祠前月色多。自古長才須大用。薦書元不待
常何。
寄張內翰
中原不及舊山河。使節仍煩涉海波。天上雲烟
春信早。江南風雨客愁多。諸公擬敵中興頌。壯
士寧忘勅勒歌。萬里相忘成未訣。白頭蕭索柰
公何。

送羅成之移居崇明其子季通亦之本州

校官

先生八月乘烟霧。妻子同隨海上槎。太守賓筵
先肅客。廣文官舍卽爲家。波濤浩蕩藏陰火。島
嶼微茫接太霞。聞說三洲多藥草。可能無意到
丹砂。

送張明善歸武昌却移家入蜀

對酒悲歌淚滿衣。楚天搖落又斜暉。風塵萬里
與君別。江海一舟何處歸。老去且留吾舌在。愁

歷代詩選 卷十七
來長惜壯心違臨岐不盡平生意沙苑無雲鶴
自飛

送馬士瞻帥赫高權

風塵如此送君行念爾才華獨老成軍旅未聞
忘俎豆掾曹多見到公卿滄江日射旌旗影紫
閣風悲鼓角聲玉塵談玄何事業雲臺圖像是
功名

寄靜逸處士顧仲庸

環堵蕭然一室寬只除詩酒寄清歡瓶中有粟
分寒士袖裏無書上達官揚子暮年空識字龐
公早歲已遺安先生獨卧風塵表吾欲相從接
羽翰

欲卜居海上未有定止先作寄紫步劉子

彬

滿目風塵祗自憐輕裝已辦有行纏也知避亂
依城郭更欲移家傍渚田紫步于今無士馬滄
溟何處有神仙桃源只在人間世還許漁郎放
釣船

送傅德潤陪將作同知武昌買馬回京
維揚館裏送輶車，却算分携八載餘。
天使出求沙苑馬，星郎厭食武昌魚。
數鞭已報克葦廐，土冢毋忘過舊廬。
老我平生無駿骨，應從郭隗借吹噓。

送盛克明辟掾浙省移家吳興

十年三送滄江別，此日分携又不同。
辟掾遠移青嶼闥，移家喜近水晶宮。
勿論後會知何地，且念離群獨老翁。
幕府郎官應問訊，爲言憔悴坐

詩窮

和用子通助教同張元禎倡和詩卷

懶性何堪接貴遊，長松之下每科頭。
不能取友山中社，更欲移家海上州。
老去生涯清似水，興來詩思澹於秋。
玉堂傑作難爲和，白首狂吟祇自愁。

送婁所性迴金陵別業

楚甸驚塵滿客衣，古來賢達在知幾。
山中桂樹我將老，江上草堂君獨歸。
刁斗連城嚴肅肅，旌

旗垂野淨輝輝金陵酒熟還相憶莫遣詩筒信使稀

簡西江宋子與令尹楊翼之李斯立二先

生

八月涼風催早寒家山空憶路漫漫滄江無處問書信白日何人生羽翰曉霧漲天迷故國夜潮流月到長干諸君莫責王夷甫我輩深慙管幼安

寄靈禪師四十年前在天寧方丈曾有求

夷甫知安對在次初
李希顏詩悲法也
入此詩不似舊白頭知
甚擇雜也

賦毛女者

短杖輕包歸去來水雲多處少塵埃一春海鳥依簷宿五月溪蓮繞舍開雲外送僧歸日本月中携客過天台衰翁不得瞻圓相猶望新詩托鴈回
送清淮叟上人遊五臺

鴈門西畔是靈山山作青螺五髻鬟春日花開殘雪裏僧房人在白雲間善財參問何時遍文暢嬉遊幾日還淮海清公更瀟洒早將聞見動

歷代詩選

十一

禪關

送廬山高齋赴南康監郡時兵火之餘在

吳城出關司

公昔騎驢不挂渚前身恐是匡廬君孤城遺老
窮無告太守真符喜見分彭蠡帆檣明夕照吳
城旌旆拂秋雲明年春殿論功賞傳奏先將姓
字聞

和李克約東臯雜興

一春開遍雨中花幾向東園管物華老去始知

身是客愁來空擬醉爲家江樓簾箔霏香霧野
寨旌旗絢采霞曳杖歸來還自笑夕陽原上數
殘鴉

芍藥花開江雨晴幾時重作看花行松間携妓
從教俗竹下留賓也自清一夜春愁無處着二
分月色爲誰明貧家亦有琴堪典好把平生意
氣傾

閉戶拙於公是非似與江湖踪跡稀酒中從令
客罵坐爨下却念兒啼飢松江之鱸固可食沙

苑有烏宜高飛。干戈滿地。正如此。萬水千山。何處歸。

挽郝謙德處士

白首其如死別何。臨風老淚若懸河。耆英社在晨星少。禪智山空夜雨多。薤露莫悲人換世。桑田曾見海生波。殯宮空對棠梨發。更擬重携濁酒過。

甲午除夜有懷孟景章

夜窓兒女笑燈前。亂世安居又一年。鄰甕且分藍尾酒。客囊從換折腰錢。凍消屋角篔簹雪。寒壓爐頭楮樵烟。安得重陪孟東海。劇談終夜不成眠。

王彥芳御史綉榮堂

色絲不染胭脂井。銀漢線成五色紋。織女機中翻海水。諫官衣上綉春雲。清嚴地位人誰到。錯落天章手自分。他日錦歸當白晝。江花江草亦欣欣。

倍惟善駙馬野雲亭

歷代詩選 卷十七 十一
萬里飛來廣漠雲，隨時舒卷故繽紛。風中不見
孤飛迹，日下都成五色紋。從爾所之占隱者，更
堪持以獻吾君。明時用汝爲霖雨，先向東南洗
惡氛。

和崔元初秋日舒懷感時叙舊情見乎辭
瀟洒君家錦照堂，石泉秋水煮茶香。沿池篠簜
枝枝潤，當力蒲萄葉葉黃。東館壞垣塵漠漠，西
城殘照晚蒼蒼。春時數聽尚書履，幾送池邊月
色涼。

六月書所見

干戈滿地起風塵，民物凋零府藏貧。黃犢烏犍
烹作食，雕梁畫棟折爲薪。江淮經理須賢俊，草
澤誅求到隱淪。謾道寬心應是酒，老夫三日未
沾唇。

澹香亭

幽芳不自媚，白日淨依依。風露已如此，山中人
未歸。

題宋子章竹

黃陵只在斷雲西。苦竹叢深望欲迷。帝子不歸
春又晚。滿林烟雨鷓鴣啼。

徽廟御畫梔子白頭翁

梔子紅時人正愁。故宮衰草不勝秋。西風吹落
青城月。啼得山禽也白頭。

客中久雨

水滿行厨欲產蛙。苔封老屋亂啼鴉。南風十月
黃梅雨。開盡冬青兩樹花。

送劉將軍致仕歸襄陽

當年鐵馬渡襄江。敵國聞風夜納降。今日却歸
江上去。峴山青滿讀書窓。

春夜

酒兵無力破愁城。春盡空山杜宇聲。敲缺唾壺
眠不得。半簾花影月三更。

青山白雲圖

不見茅齋舊隱君。遠溪烟樹暮紛紛。斷橋水滿
無人渡。誰向青山管白雲。

墨梅

東閣衝寒雪一枝巡簷偏解索題詩何郎老去
風情減羞見踈花照髮絲

夜宿野城

露氣涓涓月二更小舟猶向月中行前村知有
人家近隔浦微聞犬吠聲

畫馬

國人曾喜得驂駟撥入天關早見收今昔有誰
憐駿骨西風沙苑蒺藜秋

武林客舍

窓外青山啼子規吟魂正被酒禁持小樓一夜
雨聲惡落盡碧桃人未知

綠楊橋

長溪春漲碧溶溶烟雨空濛濕采虹何事吹蕭
度清夜斷堤楊柳月明中

題高房山墨竹

黃花山主澹游翁寫竹依稀篆籀工獨有高侯
知此趣一枝含碧動秋風

題張天民先生移居圖

解八詩選 元成原常 廿四
舊隱荆溪第幾村。手栽松檜至今存。大茅峯下
千年鶴。遲汝重來問子孫。

高昌王所畫蒲萄煎餅圖

玉關西去火州城。五月蒲萄無數生。今日江南
池館裏。萬株聯絡水晶棚。

青山白雲圖

溪上長松已合圍。草堂無事客來稀。濕雲生滿
東山路。日暮野樵何處歸。

唐明皇吹蕭圖

寢殿春深晝漏遲。楊前侍女立多時。玉簫自按
霓裳曲。賜與梨園弟子吹。

題蒲塘雙燕圖爲劉小齋作

昭陽池館晚風微。花落巢空去未歸。却是蒲塘
春水潤。年年還傍小齋飛。

竹枝歌

道士莊前秋事多。東家西家收晚禾。船頭把酒
對明月。聽打夜塲人唱歌。

訪王伯純晚歸

長洲苑內舊池臺。白髮山人又再來。無限客愁
渾忘却。小樓聽雨杏花開。

和饒介之秋懷

夜半金烏海上翔。行來夾日酷於霜。庭前幾箇
芭蕉葉。未到秋分一半黃。

鐵鎖滄江第幾關。揚州花竹夢中看。也知無賴
三分月。照見沙場白骨寒。

題南竹

洞庭南去竹如雲。老葉新稍亂不分。帝子不歸

風雨惡。深林何處覓湘君。

右成原常集借自徐興公家藏古本頃坊刻
有成禮執一冊豈廷珪別字耶因選附之

燕中懷古童貢侍御

娉婷二八女。絕色妙難畫。新粧薄鉛華。照影脩
竹下。盛年事夫婿。錦玉耀精舍。雖非伯鸞妻。倦
倦惜春夜。琴餘月當軒。默默倚風榭。寄語東家
兒。紅顏莫輕嫁。

送李子威代祀嵩衡淮海

羣生望甘澤五岳雲氣通天香落岩谷瑞靄春
冥濛海潮天際來金碧森萬峰劃落紫翠堆亭
亭玉芙蓉古廟絲竹存迎神奏黃鐘空山逝餘
響落花舞青童

送郭仲安貢察院

捧檄上京華清才世共誇封章不起草健筆自
生花燕市千金馬天河八月槎看君冠獬豸好
爲觸奸邪

曉出錢塘門

出城聊適意草樹碧紛紛一雨破清曉四山生
白雲僧居綠嶺出樵徑過橋分明日重携酒來
澆和靖墳

送周車窗尊師歸廬山太平宮

匡廬之山仙所居銀河倒蘸青芙蓉三千里路
昔一往十八社友今何如向來匡君結廬處至
今海月懸高樹水流花落春復春洞府蒼茫隔
煙霧西風蕭蕭吹短衣賣藥脩琴不歸去潯陽
潮落海欲枯幾時再得麻姑書桂風不跨林下

虎回仙肯顧盤中魚幸留神物守丹鼎喜近第
子迎飈車世間信有揚州鶴看汝乘之上寥廓
晴窗須理白雪絃爽氣仍開紫霞閣袖中寶劍
且藏鋒彭蠡小龍方睡着

射鴨謠

阿儂手挽竹枝弓射鴨綠楊湖水東三三五五
似學武一箭誤中雙飛鴻前船唱歌後船哭月
黑湖中夜潛伏東海健兒不敢過人命幾如几
上肉老翁入縣前致辭夜夜全家猶野宿丁寧
門戶且勿開明朝又怕官軍來

湘江秋園圖

蒼梧愁雲拂煙水日暮無風波自起何人吹簫
作鳳凰被髮臨江迎帝子黃陵女兒情更多却
掩冰絲淚如洗千年遺恨人不知坐對空山疑
夢裏

韓致用夢鶴

疇昔相過赤壁磯神交遺思尚依依應從五色
雲中過還繞三株樹上飛月色滿庭空夜帳露

萃如雨濕秋衣蓬萊山下花無數
遲子吹簫作伴歸

送人歸桐江

讀書不謁萬乘君挾策肯傍諸侯門
嘯歌蘇臺晚山碧濯足洞庭秋水渾
千金未易買駿骨一飯豈足哀王孫
風塵拂衣且歸去高卧桐江煙水村

九月十日自壽

余生堪歎復堪憐喜際明時老市塵
把菊已從

前一日種桃猶待後千年但令有子親書帙
莫恠無人送酒錢寡欲清心今得矣煉丹何用學神仙

時寇未平感時傷事寄張仲舉

邊報紛紛日轉頻彭城猶未息風塵
中原白骨多新鬼浮世黃金少故人
阮籍一生惟縱酒季鷹今日定思葺
河東鶴叟應相憶落日悲笳淚滿巾

吳中五日追念故友李時中李欽嗣有感

此詩見後集卷下

此作七種出

歷代詩選 元成幸禮

而作為時中生忌

夢繞南崗北嶺雲一杯無計灑松筠世間我豈
長貧者地下君為不死人夜雨自荒張祐宅秋
風誰障庾公塵于今有道俱凋喪落日江湖淚
滿巾

宿鶴沙張氏草堂

草堂借我作行窩杖屨頻煩太史過滿地白雲
清晝永隔溪黃鳥綠陰多銀篦自瀉山中酒鐵
笛誰翻小海歌今日逢君須盡醉西家亭館奈

愁何

寄周平叔先生就求蒼耳子

周侯久不通書問夜夜滄江入夢頻五月採來
蒼耳子幾時分送白頭人沙頭酒熟田毛足港
口船過海錯新南北相望千百里老來幽獨倍
傷神

送智隱住水月禪寺

放船直到栖禪處萬頃湖心一鏡開綠樹鳥驚
風落果碧潭龍去水生苔西巖尊宿傳燈在東

歷代詩選

元成幸禮 卷十七

四

君

海高僧杖錫來。今夜月明清似水。大空無地着
鐵埃。

卷十二

續軒渠集序

按莆田黃四如集洪德章墓誌銘云。德章名巖
虎。自號吾圃。宋咸淳丁卯貢士。工五七言詩。所
著有軒渠集。生二子。長曰珠。次曰希文。希文丁
酉。自壽云。年過絳縣垂垂老。左傳絳老季七十
三。所謂過者七十有餘齡也。及至正乙巳。又有
耄耆之句。以生年考之。當生于至元庚辰。享壽
八十有六。實與元代相終始也。厥父有軒渠集。
希文故名續軒渠蘇子訓傳曰。見識父母。軒渠

蘇

笑悅希文與父匿萬山中偕和朝脯孟飯燒芋
咬菜人或不知無慍色也然興化先後郡志皆
遺希文父子之名幾于湮沒不稱矣曹能始得
披本按其尤者梓之因考其始末如此

崇禎庚午孟春三山徐燊書

石倉十二代詩選 元詩卷之十八

軒渠集

元仙遊洪希文著
明三山曹學佺閱

琴枕

至音何寥寥古道行古心枯槁斷為枕用枕體
乃琴虛中具徽軫簧舌韶濩音操之當薰風不
儻雅以南吾聞古巢父遺瓢掛空林有形即有
累湛若止水沈所以曾東家曲肱意彌深

送林景惠和興化教諭

朝遊夾漈山。漈水何漣漪。暮登石門山。山石亦
差差。水石太古色。山人去何之。君今遊此山。爲
余訪頽基。多謝吹藜翁。七畧今有歸。矧茲十室
邑。文獻猶庶幾。君子樂育才。薪爇理不遺。白袍
久延佇。雪立風披披。煦之以惠風。暢若春陽熙。
前程雖云邁。來者猶可期。

貧甚食草具作

赤莧赤如脂。苦蕒甘如飴。盤登惡草具。味等薇
與芝。賢哲逝已遠。昧昧余所思。伊人旣忘世。此

外皆若遺。梁肉世豈乏。飽死黃腸兒。千金洼渥
種。歲晚鳴枯蕒。尚餘耽書癖。不與塵土緇。此樂
豈在外。簞瓢猶山雌。

枕簟入林僻

朱夏困蒸鬱。城市多淫哇。閒招嘯雲侶。來食山
中霞。山中有何好。泉石端可嘉。清溜接篔簹。火
種憐菑畚。枯松偃澗壑。赤日流丹砂。茂林無珍
禽。管井空灌蛙。桃笙寄憊憊。菊枕便昏花。煩襟
頓消釋。密蔭爭交加。羲皇有神交。遽廬等仙家。

歷代詩選 元洪補
久坐令人健微吟到日斜浮雲蒼海狗岐路常
山蛇祥飈偶披拂哀音餘摻搗山深民多醇隣
酒亦易賒去去下巖扃歸途暝棲鴉

龜洋僧越浦造窻海東際橋姪清甫爲求

詩以壯其事

我昔携二客涉此春江潯春江渺無際下有魚
龍吟行客日已晚夾岍菰蒲陰滄江見舟子招
招勞余心我家山之陽我友山之岑懷哉不得
往黃鳥鳴空林向微塵外人慨此將焉任欲立

萬歲功豈憚歲月深刺手斲巨鼇案址重淵涔
雲濤鼓韶濩共爾澆煩襟吾鄉鄒魯鄉人物多
萃簪寥寥識緯語桓譚非所欽爲謝金仙子氣
化無古今逝將紀江漢相國生自南

送黃仲復雷卿任三山學錄

漢廷購宛馬善肆空學校選入飛兔羣一躍猶
變豹近者八鄉達往往皆職教去作他人師灸
轂轉高妙臯比橫講席鶴俸供廩稍瞻視凡馬
羣尾大固不掉君爲汗血駒銀鞍追驟驟淺飲

合沙流時來卽同調

續聶夷中傷田家

買買丘麥秀。蝸蝸吳蠶生。微行執懿筐。亦旣受
厥明。上焉給王賦。下焉紆官征。豈爲飢寒念。所
念瘡痍平。哀哀生理窄。了了無餘贏。惻怛夷中
詩。萬古田舍情。

壽峰館所擬古問訊光孝東溟講師上人

棲息無塵雜。滿目雲舒舒。別來雲間人。賴此可
與娛。情親跡自遠。道合人豈踈。回首自怡悅。無

心覺真如

曉行途中書事

冥祭昧所適。東西覺惘然。門歛村店酒。鐘落客
津船。猿叫荒山月。雞號墟里煙。回思在家日。日
晏尚高眠。

穫稻

雲散水微茫。千畦萬隴黃。罄腰勞日少。鼓腹樂
時長。處處聞雞犬。家家足稻粱。太平本無象。新
釀甕頭香。

題聖墩妃宮澹洲嶼

我昔纜舟謁江干。曾覲帝子瓊華顏。雲濤激射
雷電洶。殿閣砗兀魚龍間。此洲仙島誰所構。面
勢軒豁規層瀾。壺山峙秀倒影入。乾坤擺脫呈
倪端。粉牆丹桂輝掩映。華表聳突過飛巒。湘君
小水勾靈骨。虞帝跡遠何由攀。銀樓玉閣足官
府。忠孝許入巫咸班。帝憐遐陬雜鯨鱈。柄授水
危檣。出火海浪破。神鬼後使忘險難。靈旗旄筆

廣樂振長風。萬里翔孔鸞。平洲遠嶼天所割。古
廣不獨誇黃灣。至人何心戀桑梓。如水在地行
曲盤。升階再拜薦脯藻。不以菲薄羞儒酸。日談
書史得少暇。石橋潛度凭雕欄。詩成不覺肝膽
醒。松檜蒼蒼鳴玦環。騎鯨散髮出長嘯。追逐縹
渺乘風還。

春寒無炭

古人坐客寒無壇。我今爲客寒無煙。東風兼領
玄冥權。今年春寒過去年。梅子含酸實未堅。薺

歷代詩選 卷十八 五
麥雖茂胎未全。海棠羞澀開紫綿。山南山北無
杜鵑。詩翁縮頸聳兩肩。玄龜守殼凍不前。吟成
呵硯冰尚堅。毛穎寒澀非張顛。喚起石鼎句再
聯。倚牆道士鼻息喧。此時得酒真解仙。博取一
醉真可憐。君不見雲安斗水直萬錢。杜陵雖老
性命懸。畫灰對雪思悄然。恐寒披絮夜不眠。牛
頭何日雙錦纏。

飯牛歌

牛吒吒蹏趵趵。枯萁嚼盡芳草綠。自脯薄夜不

滿腹。擷菜作糜。荳作粥。飼飢飲渴兩已足。脫網
解銜就茅屋。不愁飢腸雷。轆轤風簷獨抱牛衣
宿。丁男長大牛有犢。明年添種南山曲。

惜春吟

去年醉倒百花傍。旁人拍手笑我狂。今年花酒
兩無分。一春正坐讎書忙。先生讎書未肯出。詠
柳題花閒度日。朝來着步花已空。搔首東風長
太息。

聽琴歌

踈簾曲檻蘋風涼。細腰美人藕絲裳。神閒意定
半度遠。玉指纖纖。彈履霜。喬林鶯囀日卓午。幽
澗泉鳴夜未央。孤鸞別鶴。生黯恨。母以冰炭置
我腸。

夏白紵

水晶宮白銀闕。髯如青雲眼如月。白紵爲袍巾
勝雪。思君起舞清歌發。秋風落木雁南飛。太息
遊子何當歸。桐絲指下音調稀。雙雙玉淚彈珠
璣。

壽峰翫月

素娥准勅六丁擎。下照塵寰似水晶。河漢無雲
天萬里。溪山不夜月三更。蓬萊弱水何曾隔。玉
宇瓊樓無此明。今夜壽峰峰絕頂。與君端坐細
推評。

守歲

掃退陰凝萬瓦霜。儒家守歲似如常。沈香已帶
寅前氣。臘酒初聞子後香。凍雪驚春先爆竹。祥
雲夾日上扶桑。熙熙民物皆生意。天建皇疇福

萬方

清明遊陳氏園亭

村村花柳暗晴川。百五時光不暫延。綠暗園林
尚佳節。清明亭館白新煙。喜逢熟食傳遺老。怕
着新衣學少年。惆悵東欄花似雪。人生底處勝
樽前。

春晚同數客遊靈巖廣化寺書所見

塔外青山匝四圍。澗邊流水繞松扉。白雲一塢
僧長住。紅杏數枝春漸稀。雨足人牛耕曠野。山
深鳥雀哢晴暉。長廊響屐皆明禁。口自忘言心
自非。

明皇太真避暑按樂圖

已剖冰盆金粟底。旋調雪水試涼茶。宮娃未解
君恩暖。尚引青罍汲井花。

書傳德陽教授所居精舍

洛陽城裏王侯宅。光範門中宰相書。何事春風
渾忘却。莓苔還似野人居。

幽居

柴門掩斷徑生苔坐閱東君幾往回看盡牀書
無客到殘花風送過墻來

惟石

欲歎雲雷來月窟翥驂虬鳳下天台漢唐池館
多禾黍何似山林卧綠苔

石倉十二代詩選

元詩卷之十八 終

檜亭詩彙序

天台丁君仲容之詩曰檜亭彙者因其所居而
目之也君三徙居寓於金陵之城北地既深僻
有園亭之勝古檜列植左右蒼茂若雲客至款
坐亭上日翛然以爲樂壻饒氏介之方集君詩
得若干首爲一編故題其彙檜亭云君博學才
敏爲詩精麗奇偉格超而趣遠自近世以集行
與余所見四方之士及所聞以能詩自名者皆
莫與爲比所造益高傑出於一時而視古人深

入其閫奧。余嘗評君有三異於他文。未嘗不善而獨爲詩。詩未嘗刻意。而語輒過人。人未嘗不服以爲工。而一不有所銜。平生倡和題詠。與夫言志感興而作。無慮數千篇。性坦率不自貴重。愛惜篇成。輒棄棄。不復蓄。故雖傳誦於人。而散逸深甚。介之始爲之。哀輯自四五七言古律絕句。諸體粗備。彙分而臚列。隨其所得。而附之左方。財十之一二。昔昌黎之文。妙天下。非李漢敘錄之勤。殆不能無泯沒。使是詩也得傳於後世。

則介之之功。豈下於李漢哉。余識君於二十季之前。當是時。君之詩酷類太白。雜而寘之集中。見者不復能辯。今其體稍變。將自爲一家。惜乎介之不早登其門。而盡錄也。至元五年歲次己卯季冬廿有八日。中山李桓謹書。

浪卷參差入耳中
 山空寂寂響天風
 今夕不早登其門
 而盡發也空天正
 春風吹火也
 且香不與指線今
 其體極變極自為
 一不昔子
 之前當是神其之
 高相賦本自聚而
 實之其
 似今之文也

石倉十二代詩選

元詩卷之十九

檜亭臺

元天台丁復著

有鳥

有鳥有鳥鳴聲嘒嘒
 自東有居則西于巢
 有翩者翼載戢載翹
 害往害否中心播播
 有鳥有鳥鳴聲孔悲
 生此東隅息彼西枝
 有翩者翼逝將奮飛
 我行遲遲莫知所依
 維東有山領路其岐
 維西有江湍流其支
 伊此之懷復彼之思
 莫知

所之我心孔哀昔我來思狐裘披披今我何爲
締絡有淩譬彼行驥有繫其馳言提其袂載泣
歔歔相彼鳴琴匪絃伊絲哀于塗人宜莫我知
聖或弗濟伊命也而命也如茲我行其隨

送劉士幹知事赴湖廣省椽

衆羽之差差彼翰而鳴衆趾之離離我獨于夔
夫乘而往我徒于追波濤洶洶則匪于江彼陸
康莊則舍而杭我聞曠曠我視于盲爾牽于驅
愛馬其駒爾行徐徐於余焉居我有旨酒聊樂

與娛

送章子端調瀾東奏差

維山其阻維水沮洳孰來予蘇使君之車阻則
有阪使車無反沮洳有行伊澤斯遠維澤伊何
孔碩洋洋我攸樂康使車彭彭維驟在隅弗疾
其驅彼華紆徐維章子之裾維山斯岫維水有
泚章裾楚楚實獲我所楚楚者衣肅肅者儀亦
永其依我逸以敖娛

甘雨昨日足

甘雨昨日足今日豈不游文漪散清沼綠樹未
驚秋步出西郭門浩浩江漢流危檣隘川浦乃
有遠人舟江租赴海漕驚沙無定漚號呼走羣
吏肉食懷鄙謀及時不歸耕卒歲何用周悄悄
綠髮子還家多白頭爲農極凋瘵猶用苦誅求

送趙有章教諭滿還郎步

昔在秋浦還我行浚浩渺尋君郎川宅相逢武
林道君顏日方滋我髮初未皓及茲陵陽見顏
髮非昔好故心無淺交論詩有深造兩意正云

云遠別何草草長恐重見日復此同衰老相知
在久要良用豁懷抱

懷抱何以豁志士懷其衷文興諒斯際道在詎
無庸雍雍麟虞化秩秩鄒魯風菁莪歌樂育芹
采有遺功持茲從所濟誰謂行未通我生胡不
遇亦云適其逢顏稷千載人趣異心乃同勗哉
戒脩途庶言玉爾躬

竹山

離離鳳食榦絲互亘脩巒君子懷靜儀虛貞媚

蒼寒靈厓發潛穎。崇苞閎幽盤。筮鄰從蔣詡。永
結求羊歡。

同縣尹張志道徵士黃觀復陰秀才燕集

六縣校官葉仲庸池上分韻

江水秋未清。林暉午能碧。相忘散亂坐。幸老談
笑劇。以君久寒氈。且爾暫暖席。同心勿辭飲。況
有陶彭澤。

右得碧字

王日不注官。從天得長假。季衰豈能高。老坐不

許下。新秋席爲展。欲夕尊未罷。誰揮魯陽戈。請
駐羲和駕。

右得下字

次韻鄭復初錄事秋夜三首

漫漫秋夜長。時蟲號四壁。出門天宇高。仰見河
漢白。在世亦有道。胡乃自偏側。寸心寧中居。萬
物終我役。雞鳴夢茫茫。不知誰舜跖。

涼涼秋夜深。時露沾重衣。志士不在飽。詎復懷
饑饉。啼蛄怨衰藜。煥景淒已微。屈父從遺則。宋

玉有餘悲。馴致諒以道。爾亦安爾爲。
寥寥秋夜高。時物得其心。榮華無終玩。衰悴遞
相尋。微月流西極。東溟足幽陰。客爲哀商奏。弦
促憂思深。揮置各就寐。已亡人與琴。

贈危觀

凍雨洗餘雪。值別龍河上。借酒支公房。持觴竟
蔬餉。龍河水南注。西逐秦淮流。海潮却南上。送
客有行舟。向來撫州門。永懷臨川彥。大兄金陵
遊。市西忽相見。聞名未識面。各復十五季。爲驩

兩何如。綠髮慚華顛。前季水門餞。金臺煩寄詩。
遙希九成奏。長憶五彩儀。周旋子長志。浩蕩太
史筆。召對會有時。歸來定何日。令弟惠連行。客
食曹公魚。旣領臺官薦。還持府掾書。庭樹長季
青。池草亦春碧。自可緩羈棕。胡然動離色。在古
有貧仕。居卑且娛親。不聞刀筆起。竟是廟堂人。
狗道獨所期。趨時無一好。老夫終荷鋤。春蔬灌
園早。

快翁上人還吳中

秋江夕雨霽微涼生絺衣雲滅青宇空北鴻衆
已飛鴻飛向南去而我獨不歸我歸復何所長
蛟臥寒浦將擾東海龍且騎南山虎南山虎白
額具區濤可驀題詩悼夫差具禮謁泰伯麋鹿
猶故臺草青霜未白亦知舊鄉好奈何懷遠道
佛國煙霞深錢唐早晚到靈鷲天竺來虛閣乘
飛嶠白猿宅幽深祇許胡僧叫憑君唁許由楮
策北峰頭月中下桂子脚底天香浮忽望凌霄
道餘杭第幾橋

題鏡開亭

方池開淨鏡湛水涵虛象空光納朝陽承塵澹
清漾時以感物故至靜含動狀還將觀物心宴
坐池亭上

送周士德還北

東風吹花繞白門南人送客開綠尊綠尊空盡
客當發白門惜別花無言周郎挾書南州讀濯
髮春江水如綠功名早季一唾手鄉里老人皆
刮目巍巍廊廟急需材明日辟書天上來鳳凰

翩翩下千仞，羽翼五彩江南臺。南竹有實梧有
樹，歸飛卽向岡頭去。霜風一肅天地春，鬱作雲
雷散霖雨。老夫借屋鄰僧房，門前蓬蒿十丈長。
目力苦短耳力强，喜聞斯世登虞唐。

題畫馬爲方遠上人賦

上人超世資，脫然了無爲。猶有愛馬癖，或比道
林支。天馬由來出天池，西大宛國乃有之。房星
寫神孕龍鬃，雄志倜儻精權奇。飛行滅沒電莫
追，空塵留煙不得窺。月氏之子那敢騎，漢武遠

慕穆天子，欲濟崑崙遊。具茨遣使先開玉關道，
鳳頸虎翼初就羈。王良造父死已久，當時不知
馭者誰。唐人爲馬置馬監，奚官果是何物兒。况
復教之作馬舞，跪拜起伏取笑娛。伏仗能鳴輒
引去，俛首低摧青絡絲。欲從駑駘服轅下，局促
動遭箠策施。非徒喪志失天性，病骨瘦柴如宛
錐。所以韓幹爲畫肉，不忍神駿成凋羸。大漠茫
茫天作屋，飢斃飽臥驕且馳。蒲梢肅颯輕風度，
苜蓿參差新雨滋。胡爲束縛對廝養，長嘶無聲

情內悲

送孟久夫遷內臺榭

陽烏本是日中物。下來古柏棲冰霜。南枝不如北枝好。北枝近日揚清光。揚清光散朝彩。鳴鳳高岡久相待。天涯亦有鴻鵠羣。莫使冥飛向雲海。

寶鴨曲

銅池織風翠波躍。睡足暖煙饑不咬。重簾未厭雲水姿。華屋清深寄閒絕。生硃剝花紅錦翅。枯咽半濕薔薇水。寶燈夜縣琉璃光。恍若淡在滄浪裏。方筵慢舞得嬌饒。指痕膩染羅紋細。就中恐有絕纓人。誤識韓郎衣上氣。古聞烏化之言。豈虛語。願學飛仙作雙去。

題鑄堯輔觀瀑圖

鑄侯校書天祿罷。向人輒作山水畫。長巒老樹翠蓋欹。轉瀑崩巖練花瀉。玄冠白袍問子誰。深漆園忘世者。京都塵起碧於雲。炎洲瘴來疾如射。揮毫定憶龍河上。挾颿久睨匡廬下。

王將軍歌送瑞卿之荔浦巡簡

青天白日散五雲。酒酣起別王將軍。嶺右湘原
五千里。君恩如天無遠邇。百丈牽船上湘水。蒼
梧九疑雲旖旎。荔浦更在雲南頭。砦中小官君
莫愁。生徭亦是天所產。賦予五性爲人儔。渠豈
不知官好惡。怒則猖狂喜還樂。近日大官虎噉
之。骨肉可羹髓。可酪我官我強民。爾弱是乃不
堪兇性作。前季道州殺人去。太守萬戶走無路。
賊去官歸歡聚醕。彼亦那知有其故。將軍舊是

廣東使。屬州被患往相視。此迹彼情知久矣。今
官況是徭之方。山巖迫小官無房。未足展仁化。
但用謹備防。出入買賣無相妨。往來見之等尋
常。殷勤趨庭使下拜。喻以天子仁聖臣忠良。

送李光大之海北憲司書吏

我聞徽之黃山秀之聚三十六峰。比如故支而
散去不可數。周環紆餘蛟鳳舞。瘠之爲石天所
斧。真宰重惜保其故。仙者不得開洞府。李君乃
生貌清古。殷彝周鼎冰雪貯。而有錦繡之肺腑。

丈夫用世當不負他年抱策上京去。蓬萊宮深
隔煙霧。弱水三萬不可度。祭酒先生纔見取。恍
慨登樓念鄉土。奉檄南歸大江滸。古木陰陰覆
韋布。御史殷勤再三顧。叩之使言見平素。小却
黃堂掌書簿。溷溷泥途塞中路。白壁白持終不
污。前季妖蠶月更吐。天下秋風吹桂樹。炳豹文
章墮羣瞽。八月錢塘潮亦怒。竟無慍色向人前。
但道命耶多謬誤。行臺二十四松廳。衆更奇之
交愛護。百鳥啾啾徒下處。一鶚空中肆高舉。憲
司十道虞有咎。紀綱庶政祛殘蠹。三在炎荒鼎
而柱。五羊八桂窮險阻。碁分南北海爲部。民黎
雜居性豺虎。俗嗜相殘。躑負弩。濱水而採名蠶
戶。一從孟嘗去。合浦珠不更還遠。無賈臺官擇
人如善估。以君政似王夷甫。長于置家坐空窰。
遣佐繡衣蘇病苦。君今此行人共許。還珠奚翅
瞻三語。夷齊有心當弗沮。君其勗諸報明主。道
命之行澤施。溥萬鍾之賜安厥予。

送黃學錄歸番陽

歷代詩選 卷九 十一
有番之山嵯峨而嶽崿連峰結絡如旛旗或爲
齒替芙蓉枝或似長人善須眉高冠大服佩委
蛇或以蒼蚪奮角鬚下赴巨浸長雲披九江彭
蠡繞其側波濤盪擊而綿彌蒼蒼斷嶼如落星
點綴碧落影倒垂行人裹糧備爨炊片時竟月
不可期山中美茹多紫芝山中之人歌自怡

題句容趙氏松礪堂

愛客趙公子春登松礪堂展席翳長蔭臨流進
餘觴陽漪動五色天聲散幽篁無謂山笛詠此

樂殊未央

題秋江晚渡圖

白雲在青山紅葉爛無數亦有東青枝長松共
如故茅堂當樹間江光澹凝素扁舟不可呼誰
令汝來暮

讌郭氏池亭以杜詩荷淨納涼時分韻

空光皜虛明水色綠以淨短桡煙未深弱荷風
不定華觴勸行數綺席肴俎盛故人禮意殊衰
暮懷感并臨虛結清構曠景爭獻納幽禽故時

來上下相命答月照金屈卮顧影光陸離留賓
已投轄不醉將何爲

題稚川山水

江光如空山在天好風佳日散晴煙綠陰成蓋
崖樹連野橋楊柳亦娟娟擔簦之子何促速况
有荷杖當我前茅堂獨坐豈待客或者傲兀忘
流季又疑浣花溪上叟索句未得掩兩肘對樹
不語胡爲然將非得詩不得酒耐可有酒無詩
篇荷鋪歸向南山田陶公種秫五十畝往往爲

酒愁無錢

題昭君圖

曲途老失計婁敬因自侯深宮如花人遠嫁龍
沙頭龍沙萬里遠遠嫁不復返長思漢宮中淚
痕日在眼淚眼不可止嬌姿看轉美琵琶寄深
怨繁聲紛在指

送秦元之赴太禧同僉

君家好兄弟聖王自知之周爵推秦仲虞官舉
伯夷萬方天浩蕩五彩鳳威雉宣室虛前席蒼



生屬論思

金陵送人還武昌

相送白鷺洲。因思黃鶴樓。遙觀鄂王蹟。重起禰
生愁。西上不可得。東關曾獨留。江邊趙佐石。歲
月但空流。

題程先生西行集後

峽束水如箭。巴行船上天。亂離橐葬後。衰老秣
歸邊。手把西行集。心追北上季。東風故山淚。落
日灑江煙。

登高分得疊嶂

遠近不可數。淡濃渾自成。人煙諸崦隔。鳥道半
空橫。日夕黃微暎。江寒碧倒生。憑高共臨眺。憶
得在宣城。

送李御史

南臺鐵冠舊。西府繡衣新。吏部冰霜曉。皇家雨
露春。三苗蠻作俗。八桂嶺為鄰。虞帝猶遺廟。殷
勤薦渚蘋。

送谷經歷之淮西憲幙

淝水綠逶迤，淮山青陸離。江人清共遠，沙鳥白相宜。百鍊真金在，孤忠聖主知。幕蓮非久地，臺柏有高枝。

送賈西伯

西風苜蓿花，南客又移家。此道寧無用，吾生未有涯。峰青宜霧日，潮白逆江沙。猶憶南樓夜，吹簫度歲華。

輓許覃峰

失訪松雲隱，哀吟薤露歌。前朝諸老盡，浮世百

季過山水高，情足詩書遠。澤多何曾入，城府秦鑿自寒波。

送張克讓

秋花白露芹，鄉郡萬山雲。官冷難爲滿，囊空政喜聞。灘船牽月上，嶺路入閩分。有客來書辟，青霄記雁羣。

送王伯庸赴石埭板官

先生官已冷，縣僻冷於官。坐席嵐歸潤，琴堂月過寒。奇峰花作朶，幽瀨玉爲湍。所喜無迎送，高

吟寄碧瀾

送李景初試吏淮陽便養

讀書初試吏。捧檄且娛親。當代推經濟。何人獨
隱淪。河兼淮海遠。霜滿渚城春。里舍多凋瘵。周
旋及撫循。

送客

馬帳朋方集。麟經講未殘。幡然懷故里。誰此障
狂瀾。黃卷秋檠短。青瑣夜榻寒。好將池草句。題
與惠連看。

送人省親

子仕親亦喜。子歸親更歡。江湖片帆遠。風雨一
瓊寒。沙鳥行秋渚。江豚拜午湍。莫看松桂色。容
易厭時官。

送翟彥敬陞中臺察院書吏

名彥登烏府。清門可雀羅。辟書催北上。行李及
南訛。天濶涼雲積。江明暑雨過。東門羣椽集。更
起續離歌。

題李思齋枯木竹圖

霜柯硯庭寒露葉渭川冷幽人美清夜獨寫秋
燈影

題牧牛圖

邈爾三尺童御此兩轂鯨春風笠底回前村燒
痕綠

題畫

青山多白雲佳樹雜芳植伊人不可招關路日
已夕

賦山上松送常上人

松生在山上垂柯蔭其下人生苦別離念此歲
寒者

新寺和張仲舉兼次韻

天宮兜率下崔嵬結綺交疏面面開地勢周圍
龍虎國鐘聲踈應鳳凰臺鼎湖仙去秋遺劔笠
澤僧歸夜渡杯千騎巡街羣樂動五雲深處御
香來

雁門送楊仲弘姪士耕歸龍泉

伯也未入玉堂日我亦忝薦金閨名三千里外

嗟淪落二十季餘異死生猶子初從雁門見故
鄉能作龍泉行腸斷東門別小阮索詩相送若
爲情

江廻彭蠡天與碧路入臨川山復蒼令尹先爲
武進縣絃歌況逢君子鄉黃禽雙啼白日靜綠
草自動春風香巾車數問虞夫子未慙元亮在
柴桑

越州景德寺鏡清方丈題醉先

宋僧名也

岳麓

圖

鏡清方丈見岳麓堂虛咫尺行江潭樹木連雲
巖影濕樓臺隔日水聲酣皇英雙騎龍上下蒼
梧九點天東南道人得我千古意復遣老夢登
嶠嗽

送美上人歸臨川

白雲不生華蓋峰青天淨倚碧芙蓉上船不計
日多少到寺更行山幾重木客試人騎出虎淵
靈求法脫爲龍莫貪石室跏趺穩徧長松門薛
荔封

次韻答惠長老

棄爲狂士幸相容敢向明時嘆不逢明月近人
閒傍水白雲邀客更登峰百季耳厭咸陽犬千
載神交劔浦龍車馬滿街門映燭夢魂初熟蔣

陵鐘

九月一日遊昭亭 在宣州

山色江光帶近郊道傍楊柳舞寒條半生九日
黃花酒多在西風白下橋千里客遊仍暮景異
鄉人事又今朝老來未遣登臨懶盡醉東家綠

玉瓢

寄謝子木

秦贅誰徵夢午季漢官倉氏豈淹賢荒涼秋浦
時時酒彷彿番江夜夜船湖海客身皆暮齒家
山兒蕨等春拳何時與和歸來賦白石黃沙未
有田

寄題道吾山開禪師竹院

道吾竹院芙蓉下老子藤床翡翠深過雨雷霆
龍捧闥滿天風露鶴當林此君靜對了不厭諸

老清談亦許尋他山。祭酒聞還出，何人載歌金。
玉音

送僧遊廬山

十八社人五老邊，香爐紫煙誰爲然。山光水影
江行日，風靜浪平船在天。故里今逢霞外客，孤
逢曾坐月中禪。清吟一爲浣塵土，宛對三梁看
瀑泉。

廬山東南山水多，石梁顛倒掛銀河。仙燈夜半
天人落，佛屋春深海客過。五老芙蓉還好在，陶

公楊柳定如何。布帆又起江湖興，應道西風動
薜蘿。

寄題金鷲泉石軒

金鷲泉石有深趣，黃鶴仙人曾獨來。巖雨溜雲
青玉瀉，海天澄日碧蓮開。山翁宴坐秋簾靜，野
客倦遊溪棹迴。幽徑依然生藥草，他年從此入
天台。

題王元章梅

三季不見王徵士，一見梅花如見人。風致山陰

歷代詩選 卷十九
頻夢夜雪晴江上又逢春毫端只作尋常寫意
度真同造化神聞道耶溪新買宅想栽千樹作
比隣

送張可道御史調西臺

西南兩府重威名江陝諸山慣送迎行部涇涇
寧有愧去奸鄉里若無情最憐舊雪松能好故
作春寒筍未生爲報同官楊伯起檜旁門巷尚
餘清

題森碧軒卷

鳳語雙調碧玉笙羽裳羣擁翠霓旌四時景物
足蕭爽六月晝寒如太清丁令回歸應發興項
斯標格況知名過門下馬豈無謂行酒賦詩殊
有情

送清涼寺友人歸永嘉

江心舊作野客宿石頭今逢開士歸半夜落潮
隨棹發十季殘夢逐雲飛相看接手話鄉里獨
老忍淚沾裳衣新春亦有還家願會過石室推
煙屏

次韻具庵送湛淵上人永喜省師

早季爲客曾遊處今日題詩却送僧
珠箔濺巖看雪瀑寶窗綠塔見天燈
金仙爛熳開銀界玉女嬋娟倚翠層
禮罷阿師窮勝討諸峰歷歷漸
攀登

送郭筦勾之西臺

南州待着騎驄馬西土今須聽鳳凰
風妥浪花清度月秋先關樹早驚霜
汾陽宅畔槐應老秦華峰頭藕正香
願得盡分冰雪片沈痾天下總

堪留

題茅山彭道士畫梅花仙子

綠燕棲寒夜不飛洞天霜淨月流輝
夜深彷彿梅邊臥起撥青霞染素衣

次韻元宵雨雪山人

銀燭春光玉雪霽翠簾歌管思寥寥
羅浮洞裏花如織誰立寒香背小橋

題江村小景

野蓬忘世寒曾下沙管牽兒早餉遲
有客封侯

玉門道綠閨春恨繞花枝

馬德昭席上賦

江上重逢鄒大娘桃花紅嫩染織裳蔓青溪上
曾相見猶記胡麻飯顛香

賦蕙花次韻岳上人

香蒲松房夜月虛紫蕤懸露泣方諸湘魂故惱
維摩定起和離騷掃壁書

題李遵道山水

層峰高出雲樹外飛溜直下天河懸江南老客

腸空斷舊宅不歸三十季

酒間贈賈西白

思入東風白雨邊暮雲春樹兩茫然不因絳灌
輕新進未必長沙識少季

題美人卷

玉山橫管淚痕光繡褥雙迴綵鳳凰百巧心情
題不得九疑雲杳隔三湘

沙遠晴波淺漾金魚苗初上小如針將船載酒
江頭飲水柳千株滿畔陰

柳葉如眉枝似腰贈郎輒挽最長條
條長即與儂心遠不是為儂春態嬌

題楚江清曉圖

海色澄明霞欲生白煙樓閣靜崢嶸
青楓江上船已發苦竹嶺頭人未行



石倉十二代詩選

元詩卷之十九 終

